


BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Broj: 03-017-718/2017
Dana, 23.03.2017. godine

SKUPŠTINA UNSKO-SANSKOG KANTONA

PREDMET: Izvještaj o radu i finansijskom poslovanju
JP „Unsko-sanske novine“ d.o.o. Bihać za 2016. godinu,
d o s t a v l j a s e;-

Na osnovu člana 185. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 5/04), u prilogu Vam dostavljamo Izvještaj o radu i finansijskom poslovanju JP „Unsko-sanske novine“ d.o.o. Bihać za 2016. godinu, uz sljedeće:

O b r a z l o Ź e n j e

Vlada Unsko-sanskog kantona je na sjednici održanoj dana, 23.03.2017. godine, razmatrala i prihvatila Izvještaj o radu i finansijskom poslovanju JP „Unsko-sanske novine“ d.o.o. Bihać za 2016. godinu, predlagača Ministarstva obrazovanja, nauke, kulture i sporta, te Vam isti dostavljamo na razmatranje.

PRILOG: - Izvještaj (6x)

PREMIJER KANTONA
mr.sci. Husein Rošić

Broj: 1-S-87-3/17

Dana, 18.03. 2017. godine

Ministarstvo obrazovanja,
nauke, kulture i sporta USK –a
BIHAĆ

10
186

DOM KULTURE BIHAĆ
FEDERACIJA BOSNE I HERCEGOVINE
UNSKO-SANSKI KANTON
BIHAĆ

pažnja	datum	broj
10-11-1	18.03	1/17


PREDMET: Izvještaj o radu i finansijskom poslovanju JP «Unsko-sanske novine» d.o.o.
Bihac za 2016. godinu, dostavlja se

Privremena skupština JP «Unsko-sanske novine» d.o.o. na svojoj 1. sjednici održanoj 23.02.2017. godine je razmatrala i usvojila Odlukom br. 1-S-S87-3/17 od 23.02.2017. godine Izvještaj o radu i finansijskom poslovanju JP «Unsko-sanske novine» d.o.o. Bihac za 2016. godinu, isti vam dostavljamo na daljnje postupanje.

S poštovanjem,

Dostavljeno:

- a/a
- Naslovu



DIREKTOR

Safet Hrnjica, dipl. politolog

S. Hrnjica

JP „UNSKO-SANSKE NOVINE“ d.o.o
- SKUPŠTINA JP -
BIHAĆ

Broj: 1 – S – 87 – 3/17
Dana, 23.02.2017. godine

Na osnovu člana 6. tačka 2. Zakona o javnim preduzećima u FBiH («Sl. novine FBiH» br. 8/05 i 81/08) i člana 22. Statuta JP „Unsko-sanske novine“ d.o.o. Bihać, broj 577/09 od 04.09.2009. godine i Zaključka Nadzornog odbora o podnošenju Godišnjeg izvještaja o radu za 2016. godinu br. 2-NO-86-4/17 od 16.02.2017. godine Skupština JP «Unsko-sanske novine» d.o.o. Bihać, na svojoj 1. sjednici održanoj dana 23.02.2017. godine donosi

ODLUKU
o konačnom usvajanju Izvještaja o radu i
finansijskom poslovanju
JP «Unsko-sanske novine» d.o.o. Bihać
za 2016. godinu

I

Usvaja se Izvještaj o radu i finansijskom poslovanju JP «Unsko-sanske novine» d.o.o. Bihać za 2016. godinu u predloženoj formi Uprave društva i Nadzornog odbora.

II


Usvojeni Izvještaj o radu i finansijskom poslovanju JP «Unsko-sanske novine» d.o.o. Bihać za 2016. godinu upućuje se u redovnu proceduru na usvajanje od strane Osnivača Društva odnosno Skupštine USK-a.


III

Ova odluka stupa na snagu danom donošenja.

SKUPŠTINA JP:

Nermina Islamović, predsjednik
Edin Sarajlija, zamjenik pred.
Ibrahim Redžić, član





**IZVJEŠTAJ O RADU I
FINANCIJSKOM POSLOVANJU**
JP „Unsko-sanske novine“ Bihać d.o.o. za 2016. godinu

Bihać, 23. februar 2017. godine

Sadržaj:

1. Uvodni dio	str. 3
1.2. Ciljevi i zadaci koji proizlaze iz djelatnosti JP «Unsko-sanske novine» d.o.o. Bihać	str. 5
2. Normativni akti koji reguliraju djelatnost JP «Unsko-sanske novine» d.o.o. Bihać	str. 5
3. Programirani poslovi i zadaci realizirani iz programa rada za 2016. godinu	str. 5
3.1 Osnovna djelatnost	str. 6
3.2 Rad redakcije	str. 6
3.3 Kadrovska i tehnička osposobljenost	str. 7
4. Ocjena stanja i postignutih rezultata	str. 8
✓ 5. Pregled unutrašnje organizacije, (organizaciona struktura)	str. 8
✓ 6. Način ostvarivanja suradnje sa istim ili sličnim preduzećima	str. 9
PRILOZI : Izvještaju o radu JP «Unsko-sanske novine» d.o.o. Bihać	
- Financijski izvještaj o prihodima i rashodima za 01.01.-31.12.2016. godine	str. 10
- Tabelarni prikaz doznačenih i utrošenih grant sredstava u 2016. godini	str. 11
7. Izvještaj direktora	str. 12
Izvještaj o radu Nadzornog odbora JP «Unsko-sanske novine» d.o.o. Bihać za 2016. godinu	str. 13
Izvještaj o radu Skupštine JP «Unsko-sanske novine» d.o.o. Bihać za 2016. godinu.	str. 14

1. UVODNI DIO

Na osnovu člana 6. tačka 2. Zakona o javnim preduzećima u FBiH («Sl. novine FBiH» br. 8/05 i 81/08), člana 22. Statuta JP „Unsko-sanske novine“ d.o.o. Bihać, broj 577/09 od 04.09.2009. godine, člana 4. Poslovnika o radu Skupštine JP «Unsko-sanske novine» d.o.o. Bihać, a u skladu sa Odlukom o metodologiji i rokovima za izradu Programa rada, Izvještaja o radu i drugih informativnih materijala koji se upućuju Vladi i Skupštini Unsko-sanskog kantona Skupština JP «Unsko-sanske novine» d.o.o. Bihać na sjednici održanoj 23.02.2017. godine donosi i u dalju proceduru upućuje Odluku o konačnom usvajanju Izvještaja o radu i finansijskom poslovanju JP «Unsko-sanske novine» d.o.o. Bihać za 2016. godinu.

Lična karta JP «Unsko-sanske novine» d.o.o. Bihać

Resorno ministarstvo: Kantonalno ministarstvo obrazovanja, nauke, kulture i sporta

Naziv: Javno preduzeće „Unsko-sanske novine“ d.o.o. Bihać

Sjedište: Bihać

Adresa: ul. 502. viteške brigade bb

Djelatnost: novinsko-izdavačka

Pravni status: javno preduzeće

Identifikacijski broj: 4263024120002

Telefon: 228-419; 224-103 tel./fax; 228-420, 226488 (tel, fax);

web site: www.usnovine.com.ba

e - mail: usnovine@bih.net.ba

ODGOVORNA OSOBA:

1. Safet Hrnjica, direktor od 07. marta 2013. godine
2. Sanela Pašagić, izv. dir.-urednica 01.09.2014. godine

UPRAVLJAČKE STRUKTURE:

SKUPŠTINA PREDUZEĆA:

- Mujakić Edin
- Abdaković Elmina
- Sarajlija Edin

Imenovani 07. 12. 2015. godine na mandat od četiri godine

PRIVREMENA SKUPŠTINA:

- Nermina Islamović, predsjednica
- Edin Sarajlija, član
- Edis Begatović

Imenovani 22. 07. 2016. godine na rok do 90 dana

PRIVREMENA SKUPŠTINA:

- Nermina Islamović, predsjednica
- Edin Sarajlija
- Ibrahim Redžić

Imenovani 28.11. 2016. godine na rok do 90 dana

1. NADZORNI ODBOR PREDUZEĆA:

(saziv od 26.06.2012. god.)

- Mehmed Kurtović, predsjednik
- Nedžad Grošić, član
- Jasmin Dervić, član (podnio ostavku)

Imenovani Odlukom Skupštine JP „Unsko-sanske novine“, br; 3-R-S-325-03/12, od 26.06.2012. godine.

NADZORNI ODBOR:

- Antonija Durić, predsjednica
- Sandra Pačić, član
- Iris Delić Kajdić

Imenovani Odlukom Skupštine JP «Unsko-sanske novine» br. 1-s-r-397-3/16 od 05-08. 2016. godine na mandat u trajanju 4 godine.

2. ODBOR ZA REVIZIJU:

Nije imenovan zbog nedostatka financijskih sredstava

3. BROJ ZAPOSLENIH:

**U januaru 2013. godine 15, od
februara 2013. do septembra 2013. godine 17,
od septembra 2013. godine 16 (šesnaest)
od juna 2014. godine 15 (petnaest) Od septembra 2015. 14 zaposlenih**

- Direktor (1 izvršilac)
- Izvršna direktorica-urednica (1 izvršilac)
- Novinari (3 izvršioca)
- Redaktor-lektor(1 izvršilac)
- Tehnički urednici (3 izvršioca)
- Referent općih poslova (1 izvršilac)
- Referent za marketing (jedan izvršilac)
- Stručni saradnik za računovodstvo (jedan izvršilac)
- Stručni saradnik za finansije (jedan izvršilac)
- Vozač-kurir (jedan izvršilac)

Posebnost same osnovne djelatnosti Preduzeća nalaže potrebu dopisničke mreže na prostoru USK-a.

Spoljni suradnici u 2016. godini bili su:

1. Emir Tabaković, Sanski Most
2. Sehija Muminović, Cazin i
3. Halid Alijagić, vanjski suradnik iz Bihaća

1.2. Ciljevi i zadaci koji proizlaze iz djelatnosti JP «Unsko-sanske novine» d.o.o. Bihać

Na osnovu člana 2. Zakona o javnim preduzećima (Službeni list R BiH broj 4/92,21/92 i 13/94) i člana 24. Zakona o javnom informisanju (Službeni list broj 21/90) Skupština Unsko-sanskog kantona svojom Odlukom 01-20/95 i Odlukom o izmjenama o dopunama Odluke o osnivanju JP Unsko-sanske novine broj 01-1-438/06 od 09.02. 2006.godine je osnovala JP «Unsko-sanske novine» d.o.o. Bihać radi ostvarivanja prava građana u Unsko-sanskom kantonu da budu blagovremeno, istinito, potpuno i objektivno informisani o radu organa i organizacija društveno-političkih zajednica i nosilaca javnih i društvenih funkcija. Javno glasilo u okviru Javnog preduzeća Unsko-sanske novine d.o.o. Bihać je nezavisno, otvoreno i dostupno pod jednakim uslovima, svim građanima, udruženjima, strankama i organizacijama koje su registrovane kod nadležnih organa. Djelatnost preduzeća je:

- Prikupljanje i objavljivanje informacija
- uređivanje i izdavanje, štampanje i distribucija novina
- poslovi marketinga
- poslovi novinske agencije.

Preduzeće može obavljati i druge djelatnosti kojima se unapređuje osnovna djelatnost i ukupno poslovanje.

2. NORMATIVNI AKTI KOJI REGULIRAJU DJELATNOST JP «UNSKO-SANSKE NOVINE» D.O.O. BIHAĆ

- Pravilnik o radu
- Pravilnik o unutrašnjoj organizaciji i sistematizaciji poslova i radnih mjesta
- Pravilnik o plaćama, dodacima i naknadama plaće u društvu
- Pravilnik o zaštiti na radu
- Pravilnik o vođenju knjigovodstva, poslovnih knjiga i računovodstvene politike
- Pravilnik o javnim nabavkama u JP «Unsko-sanske novine» d.o.o. Bihać
- Pravilnik o finansijskom poslovanju
- Pravilnik o zaštiti od požara
- Pravilnik o poslovnoj tajni u JP «Unsko-sanske novine d.o.o. Bihać
- Pravilnik o postupku direktnog sporazuma

3. PROGRAMIRANI POSLOVI I ZADACI REALIZIRANI IZ PROGRAMA RADA ZA 2016. GODINU

Podnošenje godišnjeg izvještaja o radu je zakonska obaveza kao i obaveza koja proizlazi iz Odluke Skupštine USK-a od 03. februara 2005. godine. Sastavni dio Izvještaja je i finansijski izvještaj rađen na osnovu završnog računa Preduzeća, te izvještaja Nadzornog odbora i Skupštine JP Unsko-sanske novine d.o.o. Bihać.

Radi ostvarenja prava građana Unsko-sanskog kantona da budu blagovremeno, istinito, potpuno i objektivno informirani o radu organa i organizacija društveno-političke zajednice i nosilaca javnih i društvenih funkcija, te zadovoljenja njihovih kulturnih, obrazovnih i drugih

potreba, Skupština Unsko-sanskog kantona je 16. novembra 1995. godine osnovala Javno preduzeće novinsko-izdavačke djelatnosti „Unsko-sanske novine“.

Skupština USK-a je na sjednici održanoj 26.01. 2006. godine donijela Odluku o davanju suglasnosti da se Javno preduzeće „Unsko-sanske novine“ reorganizira u Javno preduzeće „Unsko-sanske novine“, društvo ograničene odgovornosti, u skladu sa Zakonom o javnim preduzećima F BiH (Sl. novine F BiH, broj 8/05). Odluka o reorganizaciji provedena je do kraja juna 2006. godine dobivanjem sudskog rješenja o izvršenoj preregistraciji.

Preduzeće je od nekadašnja tri organizaciona dijela zadržalo redakciju i administrativnu cjelinu, dok je izdavačka, zbog nedostatka finansijskih sredstava, ostavljena za bolja vremena.

3.1 Osnovna djelatnost

Osnovna djelatnost Preduzeća svodi se na izdavanje novina, djelatnost novinskih agencija, djelatnost agencije za promociju (reklamu i propagandu), aktivnosti oglašavanja putem drugih medija, istraživanje tržišta i ispitivanje javnog mnijenja.

JP „Unsko-sanske novine“ u 2016. godini imalo je obavezu da pravovremenim, istinitim i kvalitetnim medijskim sadržajima informira građane USK-a, te kao medij od javnog interesa da objektivno i nepristrano promiče priznate standarde i pravila struke u korist građanskih prava i sloboda građana.

U periodu nastajanja preduzeća, aktom o sistematizaciji radnih mjesta, računalo se s tim da u okviru tri organizacione cjeline radi više od 30 uposlenika. Objektivne okolnosti (nedostatak vlastitog prostora, stručnih kadrova i finansijskih sredstava, te općih uvjeta privređivanja i tendencije stvaranja manjih i efikasnijih preduzeća) uvjetovale su smanjenje broja zaposlenih na svega 14 uposlenika. Postojeći pravilnik broja izvršilaca poslova i radnih zadataka predvidio je mogućnost kompletne organizacije poslovanja sa 21 (dvadeset jednim) zaposlenim. U iskazanoj organizacionoj strukturi za prethodnu godinu ukupan broj zaposlenih od septembra 2015. godine ograničio se na 14 (četnaest). Od ukupnog broja zaposlenih na početku 2016. godine sa VSS bilo je 7 (sedam), i sa SSS 7 (sedam) zaposlenih. Prethodno kazano upućuje na zaključak da kvalifikaciona struktura zaposlenih u dobroj mjeri zadovoljava tražene standarde za novinsku djelatnost. Menadžment Unsko-sanskih novina u 2016. godini planirao je pripremanje, štampanje i izdavanje 52 broja novina prema postojećoj uređivačkoj koncepciji u sedmičnom tiražu od 1200 do 1700. primjeraka. Predviđeno pripremanje, štampanje i izdavanje 52 broja je u cijelosti realizirano. Podatak o tiražu raspona od 1200 do 1600 primjeraka novina traži kratko pojašnjenje.

Razlika u tiražu je rezultat povećanja broja oštampanih primjeraka kada u novini idu dodaci «Zdravlje» i «Šume». Radi pojašnjenja, dodaci “Zdravlje” i “Šume” odnose se na poslovnu suradnju sa JU Kantonalna bolnica “dr.Irfan Ljubijankić” i JP “Unsko-sanske šume”.

3.2 Rad redakcije

Kada je u pitanju novinarski dio, primarna zadaća redakcije bila je praćenje i prezentacija rada kantonalnih organa vlasti, prije svega rada Vlade, ministar-stava, Skupštine USK-a i svih kantonalnih ustanova.

Budući da je Skupština USK-a osnivač Unsko-sanskih novina Krajina, u 2016. godini pratili smo zasjedanja Skupštine sa aspekta rada svih trideset poslanika koji su izabrani u Skupštini USK-a. Nažalost, zbog nedostatka novinskog prostora nismo bili u mogućnosti prenijeti sva dešavanja u Skupštini USK-a, ali smo nastojali kroz objektivno izvještavanje građane informirati o radu Skupštine kao najvišeg organa zakonodavne vlasti.

Suradnja s Vladom USK-a u 2016. godini utemeljena je na pozitivnim iskustvima iz prethodnih godina. Zajedno sa savjetnikom za medije, Unsko-sanske novine Krajina pratile su rad Vlade USK-a, kako kroz novinske tekstove, tako i kroz intervju s ciljem da čitaoci dobiju jasan i transparentan uvid u rad Vlade USK-a.

Nadalje, prema istoj koncepciji «Unsko-sanske novine» pratile su i javnost izvještavale o važnim događanjima iz djelokruga rada gradonačelnika Bihaća, načelnika općina, Gradskog i općinskih vijeća i drugih organa i općinskih organizacija s područja USK-a. U svemu ovome značajna pažnja poklanjala se radu političkih stranaka koje djeluju na području našeg Kantona, bez obzira bili pozicija ili opozicija. U granicama novinskog sadržaja pokušali smo dati prostora svim političkim subjektima u granicama njihovih informativnih potreba te njihovih financijskih mogućnosti. Zakupljene stranice u novinama na osnovu komercijalnih usluga te izborne potrebe političkih subjekata bile su dostupne svima pod jednakim uvjetima. Zanemarena nije bila ni oblast sporta i kulture.

3.3 Kadrovska i tehnička osposobljenost

Tokom 2016. godine plan razvoja „Unsko-sanskih novina“ podrazumijevao je, shodno našim materijalnim uvjetima, uvezivanje dopisničke mreže iz općina USK-a, čime se osigurao u dobroj mjeri plasman informacija iz gotovo svih dijelova Kantona.

Što se tiče računarske opreme, ona je bila na nezadovoljavajućem nivou, budući da je riječ o dosta starim računarima. Iako su računari neizostavni dio opreme pri radu redakcije i DTP-a, u 2016. godini nije bila planirana nabavka nove računarske opreme. I pored toga zbog iskazanih potreba uspjeli smo kupiti tri nova računara koja smo platili u ukupnom iznosu nepunih 3.548 KM.

Za realizaciju plana i programa vezanog za izdavanje 52 broja «Krajine» kadrovski i tehnički potencijal preduzeća stavio se na potpuno raspolaganje. Prošlogodišnji izvještaj o radu i poslovanju svoju osnovu ima u Planu i programu rada Preduzeća za 2016. godinu. Unsko-sanske novine od svog osnivanja, u financijskom dijelu oslanjaju se na kantonalni budžetski grant. Obaveza uprave preduzeća, kako prethodnih godina tako i za izvještajnu godinu, bila je da se u cijelosti ostvari godišnji Plan i program rada i financijski plan JP «Unsko-sanske novine» d.o.o. Bihać. Prije svega većina aktivnosti bila je posvećena sanaciji posljedica izazvanih poslovnim gubitkom iz vremena bivše uprave preduzeća. Paralelno sa svim ovim aktivnostima, a radi stvaranja povoljnijeg ambijenta radilo se na sređivanju stanja u oblasti štampanja i prodaje novina, otplate dugova stvorenih u ranijem periodu po različitim osnovama. Najveći rezultat je ostvaren smanjivanjem troška štampe uz stalnu mogućnost povećanje broja strana sa 24 na 32 strane. Dakle, uz znatno nižu cijenu štampe dobilo se novih osam strana u boji namijenjenih informativnim i komercijalnim sadržajima. Na sličan način riješeno je i pitanje cijene zakupa poslovnog prostora.

Zbog izvršene obaveze da se vlastitim sredstvima otklone uzroci neuslovnosti zakupljenog poslovnog prostora (prokišnjavanje) cijena zakupa sada iznosi podnošljivih 600 KM. Efekti svega toga vidljivi su u bilansu stanja na kraju izvještajne godine. Najveći odraz na podnošljiviju financijsku situaciju na kraju 2016. godine imalo je obimnije sklapanje novih poslovnih ugovora. Tako su sklopljeni novi visokovrijedni ugovori sa Gradom Bihać, BH Telekomom, Una konsaltingom, i produžena većina dosadašnjih povoljnih ugovora. Na kraju recimo da su u prošloj 2016. godini ostvareni prihodi u iznosu 462.486 KM. Rashodi su bili manji i iznosili su 448.237 KM. Razlika između ostvarenih prihoda i rashoda je dobit u iznosu od oko 15.000 KM. Potraživanja od kupaca svedena na iznos od oko nepunih 78.000 KM, a

dug dobavljačima na iznos od 6.000 KM. Najveća nenaplaćena potraživanja odnose se na poslovne subjekte čije poslovanje zavisi od priliva budžetskih i fondovskih sredstava. Što se tiče duga dobavljačima on se smanjuje u granicama finansijskih mogućnosti, što znači da su osim novostvorenih obaveza u cijelosti otplaćene obaveze stvorene i neplaćene u mandatu bivše uprave. Zahvaljujući svemu ovome na kraju poslovne 2016. godine došlo se do pozitivnog finansijskog poslovnog salda. Zahvaljujući razlici između ostvarenih prihoda i rashoda poslovalo se s dobiti. Što je trend zadnje tri poslovne godine. To na najbolji način potvrđuje sadržaj priložene tabele .

4. OCJENA STANJA I POSTIGNUTIH REZULTATA

Imajući u vidu iznesene podatke, Javno preduzeće «Unsko-sanske novine» u 2016. godini ostvarilo je u odnosu na 2015. godinu približno sličan finansijski rezultat zbog čega cijenimo da mjesta zadovoljstvu ima, a najviše zbog činjenice da su u izvještajnoj godini prihodi bili dovoljni za pokriće rashoda, koji su u odnosu na 2015. godinu bili veći za oko 20.000 KM. Osim toga zadovoljno se može biti i činjenicom da je u toku izvještajne godine redovno plaćan trošak štampe novina, mjesečni trošak najma poslovnog prostora i ostali troškovi poput goriva, struje.... Činjenica da je tokom izvještajne godine 14 radnika redovno primalo plaću uz plaćene obaveze državi dodatno nas drži u uvjerenju da je 2016. godina na najbolji način iskorištena za sređivanje poslovne situacije u Preduzeću što je dobra osnova za još bolji rad u tekućoj 2017. godini. Od 1. januara do kraja decembra 2016. godine na osnovu finansijskih pokazatelja prihoda i rashoda Preduzeće je ostvarilo pozitivan finansijski rezultat. Da bi se i ubuduće moglo poslovati barem na približno isti način neophodno je nastaviti sa provođenjem stabilizacijskih mjera, a pogotovo realnog planiranja rasta prihoda uz obavezno smanjivanje rashoda. Sa učincima dosadašnje kadrovske reorganizacije i provođenjem konceptijske i uređivačke politike može se biti zadovoljno, a budući da sve može biti i bolje nužno je da se započeti procesi ne prekidaju. Pomoć osnivača je i dalje neophodna. Zbog postojećih socijalnih, političkih, ekonomskih i ukupnih društvenih neprilika iz budžeta Unsko-sanskog kantona nužno je osigurati grantovsku podršku za servisiranje obaveza po osnovu poreza i doprinosa na plaće koje zaposleni u neto iznosu moraju i zarade sami.

5. PREGLED UNUTRAŠNJE ORGANIZACIJE, (ORGANIZACIONA STRUKTURA)

UPOSLENI U JP UNSKO-SANSKE NOVINE D.O.O. BIHAĆ

Safet Hrnjica, direktor - VSS

Sanela Pašagić, izvr. dir. urednica- VSS

Redakcija

**Svjetlana Čelan, mr. kroatistike, Nermina Pirić - SSS,
Niha Džanić Ninski - SSS, Edin Alagić - SSS**

DTP

Osman Delić - SSS
Antonija Durić - VSS
Hilmija Hrnjić - SSS

Računovodstvo i financije

Sajra Dedić - VSS, Jasmina Dujmović - VSS

Marketing

Amira Halilagić - SSS

Administrativni radnik

Irma Kovačević - SSS

Vozač

Elmin Kovačević - SSS,

**6. NAČIN OSTVARIVANJA SURADNJE SA ISTIM ILI SLIČNIM
PREDUZEĆIMA**

U želji za unapređenjem novinarske djelatnosti i struke Javno preduzeće «Unsko-sanske novine» d.o.o. Bihać uspostavilo je i redovno održava suradnju sa svim ovdašnjim medijskim kućama. Zbog interesne bliskosti najbolja suradnja je sa JP RTV USK-a, RTV Bihać i Novi radio Bihać. Zahvaljujući uspostavljenoj suradnji sadržaj svakog od štampanih brojeva Unsko-sanskih novina se najavljuje i reklamira u programima ovih spomenutih elektronskih medija. Zauzvrat istu uslugu na isti ili sličan način i mi pružamo njima što na najbolji način opravdava i dugoročnom čini uspostavljenu suradnju.

PRILOZI : IZVJEŠTAJA O RADU JP «UNSKO-SANSKE NOVINE» d.o.o. BIHAĆ

**FINANCIJSKI IZVJEŠTAJ O PRIHODIMA I RASHODIMA ZA 01.01.-31.12.2016.
GODINE**

PRIHODI: 462.487	
Prihodi iz budžeta – grant	230.000
VLASTITI PRIHODI	
Reklame i oglasi	222.362
Prihodi od premija, subvencija, poticaja	863
Ostali prihodi (od kamata, po osnovu otpisa prema prav. licima, prihodi iz ranijih godina)	9.262
Ukupno:	232.487

RASHODI:	448.237
Tr. sirov. i mater.	1.145
Tr. energije	4.479
Tr. goriva i maziva	3.043
Tr. rez. dijelova	315
Tr. plaća	308.227
Dnevnice	1.575
Naknada za TO	32.536
Tr. prevoza	0
Tr. regresa	11.200
Tr. čl. nadzornog odbora i skupštine	2.159
Tr. ugovora o djelu, zizi i redžo	9.652
Tr. transp. usluga	331
Tr. usl. održavanja (održavanje softvera, tran. sredstava)	684
Tr. zakupa	6.154
Tr. štampe	27.512
Tr. vode ,zaštite na radu	529
Tr. neproizv. usluga (notar, knjigov. i ost.)	591
Tr. reprezentacije	1.073
Tr. osiguranja	483
Tr. platnog prometa	2.295
Poštanske i ptt usluge	6.355
Tr. poreza, naknada i taxa	3.443
Čl. privr. komori i turis. zajednici	2.367
Ost. nemater. troš. (Opresa, Ipres)	3.089
Troškovi naknada plata (otpremnina, praznici)	8.181
Ost. rashodi ,date donacije	278
Ostali fin. rashodi (ispravka vrijednosti)	6.983
Troškovi amortizacije	3.558
DOBIT	14.250

Na osnovu finansijskih pokazatelja prihoda i rashoda u periodu poslovanja 01.01.-31.12.2016.godine ostvaren je pozitivan finansijski rezultat , dobit od 14.250 KM.

- Potraživanja od kupaca 77.982
 - Obaveze prema dobavljačima 6.088

TABELARNI PRIKAZ DOZNAČENIH I UTROŠENIH GRANT SREDSTAVA U 2016 GODINI

Red.br	Datum	Sredstva granta	Utrošena sredstava granta- bruto plate
1.	29.01.2016	30.000	Plata 01/2016 -24.779
2.	26.02.2016	30.000	Plata 02/2016-25.205
3.	31.03.2016	17.000	Plata 03/2016-25.165
4.	26.04.2016	17.000	Plata 04/2016-25.238
5.	27.05.2016	17.000	Plata 05/2016-25.238
6.	30.06.2016	17.000	Plata 06/2016-25.256
7.	03.08.2016	17.000	Plata 07/2016-26.216
8.	26.08.2016	17.000	Plata 08/2016-26.245
9.	26.09.2016	17.000	Plata 09/2016-26.245
10.	17.10.2016	17.000	Plata 10/2016-26.253
11.	15.11.2016	17.000	Plata 11/2016-26.171
12.	15.12.2016	17.000	Plata 12/2016-26.216
	UKUPNO	230.000	Plata isplaćeno 308.227

Prihodi iz budžeta u vidu granta u 2016 godini iznose 230.000 KM što iznosi 75% od iznosa isplaćenih plata u 2016.godini koje iznose 308.227 KM.

7. IZVJEŠTAJ DIREKTORA

Na poziciji direktora Javnog preduzeća Unsko-sanske novine d.o.o. Bihać od 07.03. 2013. nalazi se Safet Hrnjica, diplomirani politolog iz Bihaća. U prethodne četiri godine upornim i sistematskim radom urađen je najveći dio poslova i zadataka iz Programa rada koji je usvojio Nadzorni odbor JP «Unsko-sanske novine» d.o.o. Bihać na početku prve moje mandatne godine. Glavni cilj je bio da se saniraju sve posljedice negativnog poslovanja prethodne uprave, a prije svega saniranje finansijskih gubitaka i izmirenje dugova od koji su najveći bili neplaćeni troškovi za štampu novina te za najam poslovnog prostora. U prve tri godine osim ovih ciljeva ostvareni su i oni koji su se ticali neuslovnosti radnog prostora, dotrajalosti dva motorna vozila i nedostajuće računarske opreme. U četvrtoj, dakle izvještajnoj godini u kojoj je zabilježen pozitivan finansijski rezultat svi ključni ciljevi su realizirani. Moj prošlogodišnji, kao i rad svih prethodnih godina se temeljio na jasno utvrđenim ekonomskim i pravilima novinarske struke. Kroz cjelokupni svoj direktorski rad sam se nastojao na krajnje profesionalan, ozbiljan i odgovoran način odnositi prema svakom poslu. Pogotovo prema poslovima iz sfere finansijske u kojoj smo se opredijelili da kresanjem nepotrebnih troškova najvećim dijelom dođemo do pozitivnog finansijskog rezultata. Zahvaljujući tome u odnosu na plan trošak štampe novina trošak plaća zaposlenih kao najveće rashodovne stavke zadržane su u predviđenim okvirima U želji za što većom finansijskom i ukupnom neovisnošću sve svoje menadžerske sposobnosti sam usmjerio na dugoročno ugovaranje poslova čijom bi realizacijom mogli doći do što većih vlastitih prihoda. Zahvaljujući tome u prošloj 2016. godini ostvarili smo 232 486 KM vlastitih prihoda što je za oko 2.500.KM više od sredstava doznačenih po osnovu granta iz budžeta Unsko-sanskog kantona. Namjera nam je da se u budućnosti sve više oslanjamo na vlastita, a na grant sredstva samo u neizbježnoj mjeri. O ozbiljnosti ovih naših namjera svjedoči finansijski plan prihoda i rashoda za tekuću 2017. godinu.



Safet Hrnjica, dipl. politolog

Na osnovu člana 41. Statuta JP «Unsko-sanske novine» d.o.o. Bihać podnosim

**IZVJEŠTAJ O RADU
NADZORNOG ODBORA JP «UNSKO-SANSKE NOVINE» D.O.O.
BIHAĆ ZA 2016. GODINU**

Odlukom Skupštine JP broj: 3-R-S-325-03/12 od 26.06.2012. godine imenovan je Nadzorni odbor d.o.o. Bihać u sastavu: Mehmed Kurtović, predsjednik, Nedžad Grošić, član i Jasmin Dervić, član (podnio ostavku) na period od četiri (4) godine.

U ovom sazivu Nadzorni odbor JP u 2016. godini održao je dvije (2) radne redovne sjednice:

Na 23. redovnoj sjednici Nadzornog odbora održanoj dana 21.03.2016. godine razmatrane su slijedeće tačke dnevnog reda:

- Razmatranje i usvajanje Izvoda iz zapisnika sa 22. sjednice Nadzornog odbora održane dana 07.10.2015. godine
- Razmatranje i usvajanje Izvještaja o radu JP «Unsko-sanske novine» d.o.o. Bihać za 2015. godinu
- Razmatranje i usvajanje Plana i programa rada JP «Unsko-sanske novine» d.o.o. Bihać za 2016. godinu

Na 24. redovnoj sjednici Nadzornog odbora održanoj dana 17.06.2016. godine razmatrane su slijedeće tačke dnevnog reda:

- Razmatranje i usvajanje Izvoda iz zapisnika sa 23. sjednice Nadzornog odbora održane dana 21.03.2016. godine.
- Razmatranje i usvajanje revidiranog Izvještaja o radu i finansijskom poslovanju JP «Unsko-sanske novine» d.o.o. Bihać za 2015. godinu
- Razmatranje i usvajanje revidiranog Programa rada JP «Unsko-sanske novine» d.o.o. Bihać za 2016. godinu

Odlukom privremene Skupštine JP br. 1-S-R-397-3/16 od 5. augusta 2016. godine imenovan je Nadzorni odbor JP «Unsko-sanske novine» d.o.o. Bihać na period od 4 (četiri) godine u sastavu: Antonija Durić, Sandra Pačić, Iris Delić Kajdić.


Ovaj saziv Nadzornog odbora JP osim konstituirajuće sjednice održao je i jednu radnu sjednicu na kojoj je razmatrao i usvojio:

- Nacrt programa rada JP «Unsko-sanske novine» d.o.o. Bihać za 2017. godinu.

Bihać, februar 2017. godine

PREDSJEDNIK NO

Antonija Durić



**IZVJEŠTAJ O RADU
SKUPŠTINE JP «UNSKO-SANSKE NOVINE» D.O.O.
BIHAĆ ZA 2016. GODINU**

Odlukom Skupštine USK-a broj: 01-02-3-227/15 od 07.12.2015. godine imenovana je Skupština JP «Unsko-sanske novine» d.o.o. Bihać u sastavu Mujakić Edin, Abdaković Elmina i Sarajlija Edin.

Skupština JP u ovom sazivu u 2016. godini održala je konstituirajuću i dvije radne sjednice na kojim je razmatrala i usvojila:


- Izvještaj o radu i finansijskom poslovanju JP «Unsko-sanske novine» d.o.o. Bihać za 2015. godinu
- Plan i program rada JP «Unsko-sanske novine» d.o.o. Bihać za 2016. godinu,
- Primila na znanje informaciju o provedenoj proceduri i usvajanju na sjednici Skupštine USK-a Izvještaja o radu i finansijskom poslovanju JP «Unsko-sanske novine» d.o.o. Bihać za 2015. godinu i Programa rada JP «Unsko-sanske novine» d.o.o. Bihać za 2016. godinu
- Odluku o raspisivanju konkursa za izbor i imenovanje Nadzornog odbora
- Odluku o ponovnom raspisivanju konkursa za izbor i imenovanje Nadzornog odmora

Skupština USK-a svojom Odlukom broj: 01-02-3-350/16 od 22.07.2016. godine imenovala je članove privremene Skupštine JP «Unsko-sanske novine» d.o.o. na period od 90 dana u sastavu Edin Sarajlija, Nermina Islamović i Edis Begatović.

Ovaj saziv Skupštine JP osim konstituirajuće sjednice održao je i jednu radnu sjednicu na kojoj je razmatrao i usvojio prijedlog Komisije za izbor i imenovanje Nadzornog odbora preduzeća u sastavu: Antonija Durić, Sandra Pačić i Iris Delić Kajdić.


Skupština USK-a svojom Odlukom broj: 01-02-3-446/16 od 28.11.2016. godine imenovala je članove privremene Skupštine JP «Unsko-sanske novine» d.o.o. na period od 90 dana u sastavu Edin Sarajlija, Nermina Islamović i Ibrahim Redžić.

Bihać, februar 2017. godine



PREDSJEDNIK SKUPŠTINE JP

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“ broj: 5/08), na prijedlog Ministarstva obrazovanja, nauke, kulture i sporta, Vlada Unsko-sanskog kantona, na sjednici održanoj dana 23.03.2017. godine, donosi:

ZAKLJUČAK

I

Prihvata se Izvještaj o radu i finansijskom poslovanju Javnog preduzeća „Unsko-sanske novine“ d.o.o. Bihać za 2016. godinu, s tim da se isti uputi Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-718/2017
Bihać, 23.03.2017. godine

PREMIJER KANTONA
mr. sci. Husein Rošić

Na osnovu člana 95. Poslovnika Skupštine Unsko-sanskog kantona („Službeni glasnik Unsko-sanskog kantona“, broj:5/04), na prijedlog Vlade Unsko-sanskog kantona, Skupština Unsko-sanskog kantona na sjednici održanoj _____ d o n o s i

ZAKLJUČAK

Član 1.

Usvaja se Izvještaj o radu i finansijskom poslovanju Javnog preduzeća „Unsko-sanske novine“ d.o.o. Bihać za 2016. godinu.

Član 2.

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj:
Bihać

Predsjedavajući
Skupštine Unsko-sanskog kantona
prof. Nijaz Hušić